

四庫全書

集部

欽定四庫全書

集部

御定全唐詩卷七百十二至

詳校官庶吉士臣胡鉦

主事銜臣徐以坤覆勘

總校官知縣臣繆珩

校對官中書臣石鴻齋

謄錄監生臣方汝觀

謄錄監生臣鄭嶠

欽定四庫全書

御定全唐詩卷七百十二

錢珣

錢珣字瑞文吏部尚書徽之子善文詞宰相王溥薦
知制誥進中書舍人後貶撫州司馬有舟中錄二十
卷今編詩一卷

客舍寓懷

灑灑灘聲晚霽時客亭風袖半披垂野雲行止誰相待

明月襟懷祇自知無伴偶吟溪上路有花偷笑臘前枝
牽情景物潛惆悵忽似傷春遠別離

送王郎中

惜別遠相送却成惆悵多獨歸回首處爭那暮山何

江行無題一百首

統籤云舊作錢起詩今考詩繫
遷謫塗中雜詠起無謫宦事而

珣自中書謫撫州其舟中集序云秋八月從襄陽
浮江而行詩中峴山沔武昌匡廬鄱湖潯陽諸地
經途所歷一一脗合而秋半九日尤為左驗其為
珣詩無疑蔡寬夫詩話云江行百首錢蒙仲得之
他本因以傳世元非起集之舊
宋人語更可靠今與起集並存

傾酒向漣漪乘流欲去時寸心同尺璧投此報馮夷

江曲全縈楚雲飛半自秦峴山迴首望如別故鄉

一作關

人

往年累登峴亭

浦煙含

一作函

夜色

一作寒夜永

冷日轉秋旻自有沈碑在

一作

石清光不照人

楚岫雲空合楚城人不來祇今誰善舞莫恨廢草

一作發陽

臺

行背青山郭吟當白露秋風流無屈宋空詠古荊州

晚來漁父喜網

一作晉

重欲收遲恐有長江使金錢願贖

龜

去指龍沙路徒懸象闕

一作魏

心夜涼無遠夢不為偶聞

砧

霧雲疎有葉雨浪細無花

一作聲

穩放扁舟去江天自有

涯

一作程

好日當

一作長

秋半層波動旅腸已行千里外誰與共秋

光

潤色非東里官曹更

吏一作

建章官遊難自定來喚櫂船

郎

夜江清未曉徒惜月光

先一作

沉不是因行樂堪傷老大

心

翳日多喬木維舟取束薪靜聽江叟語盡

俱一作

是厭兵

人

箭漏日初短汀煙草未

木一作

衰雨餘

微一作

雖更綠不是

採蘋時

山雨

一作水

夜來漲喜魚

一作雨

跳滿江岼沙平欲盡垂蓼

入船窗

渚邊新鴈下舟上獨淒涼俱是南來客憐君綴一行

雲密連江暗風斜著物鳴一杯真戰將笑爾作愁兵

柳拂斜開

一作陽

路籬邊數戶村可能還有意不掩向江

門

不識相如

一作桓公

渴徒吟子美詩江清惟獨看心外更

一作

有誰知

牽路沿

一作緣

江狹沙崩岾不平盡知行處險誰肯載時

輕

憔悴異靈均非讒作逐臣如逢漁父問未是獨醒人

水含秋夜靜雲帶夕陽高詩癖非吾病何妨吮短毫

帶

一作登

舟維

一作非

古岾還似阻西陵箕伯無多怒回頭

詎不能

秋雲久無雨江燕社猶飛却笑舟中客今年未得歸

帆翅初張處雲鵬怒翼同莫愁千里路自有到來風

佳節雖逢菊浮生正似

一作是

萍故山何處望荒岬小長

亭

月下江流靜村荒人語稀鷺鴛雖有伴仍

一作乃

共影雙

飛

斗轉月未落舟行夜已深有村知不遠風便數聲砧

櫂驚沙鳥迅飛濺夕陽波不顧魚多處應防一目羅

行到楚江岬蒼茫人正迷祇如秦塞遠格磔鷓鴣啼

漸覺江天遠難逢故國書可能無往事空食鼎中魚

岼草連荒色村聲樂稔年晚晴貪一作初獲稻閒却採菱

蓮一作船

灘淺多一作爭遊鷺江清易見魚怪來吟未足秋物欠紅

藻

蛩響依沙草螢飛透水煙夜涼誰詠史空泊運租船

睡穩葉舟輕風微浪不驚人居一作任君蘆葦岼終夜動秋

聲

自念一作守平生意曾期一郡符可一作豈知因謫宦斑鬢

入江湖

水天涼夜月不是少

一作惜

清光好景

一作物

隨人物

一作秘

秦淮憶建康

古來多思客搖落恨江潭今日秋風至蕭疎過

一作獨

沔

南

映竹疑村好穿蘆覺渚幽漸安無曠土薑芋當農收

煙渚復煙渚畫屏休

一作還

畫屏引愁天末去數點暮山

青

秋風動客心寂寂不成吟飛上危檣立鶯啼報好音

一作

啼鳥不知音

見底高秋水開懷萬里天旅吟還有伴沙柳數枝蟬

九日自佳節扁舟無一杯曹園舊罇酒戲馬憶高臺

兵火有餘燼貧村纔數家無人爭曉渡殘月下寒沙

渚禽菱芡足不向稻梁爭靜宿涼灣月應無失侶聲

輕雲未撲

一作護

霜樹杪橘初黃行

一作信

是知名物過風

過水香

土曠深耕少江平遠釣多平生皆棄本金革竟如何
海月非常物等閑不可尋披沙應有地淺處定無金
風晚冷颼颼蘆花已白頭舊來紅葉寺堪憶玉京秋
渺渺望天涯清漣浸赤霞難逢星漢使烏鵲日乘槎
風好來無陣雲開一作去有踪釣歌無遠近應喜罷鰲
鱗

吳疆連楚甸楚俗異吳鄉漫把罇中物無人啄蟹黃一作

匡

岼綠野煙遠江紅斜照微撐開小漁艇應到月明歸

雨餘江始漲漾漾見流薪曾歎河一作溝中木斯言憶古

人

垂露

一作墜露

晚猶濃

一作露墜日猶紅

清

一作秋

風

一作花

不易逢涉

江雖已晚高樹寒

一作攀

芙蓉

乘

一作葉

舟維夏口煙野獨行時不見頭陀寺空懷幼婦

碑

晚泊武昌岼津亭踈柳風數株曾手植好事憶陶公

舟航依浦定星斗滿江寒若比

一作此

陰霾日何妨一作方

夜未闌

近戍離金落孤岑望火門惟將知命意瀟灑向乾坤

叢菊生隄上此花長後時有人還採掇何必在一作及春

期

景夕

一作夕景

殘霞落秋寒細雨晴短纓何用濯舟在月中

行

堤

一作垠

壞漏

一作滿

江水地均成野塘晚荷人不折留取

此一作作秋香

左一作失宦終何路攄懷亦自寬
擘牋嘲白鷺無意喻臬

鸞

樓空人不歸雲白去時衣黃鶴無心下長應笑令威

白帝朝驚浪陽臺暮映雲等閑生險易世路祇如君

櫓一作虛慢生輕浪帆虛帶白雲客船雖狹小容得瘦一作

庚將軍

晉冠軍將軍柳遐免官桓溫怪其瘦答云不能不恨于破甑

靜看秋江水風微浪漸平人間馳競處塵土自波成

風借

一作勁

帆方疾風回櫂却遲較量人世事不校一毫

釐

咫尺愁風雨匡廬不可登祇疑雲

一作香

霧窟猶有六朝

僧

江草何多思冬青尚滿洲誰能驚鵬鳥作賦為沙鷗

幸有煙波興寧辭筆硯勞緣情無怨刺却似反離騷

沙上獨行時高吟

一作吟情

到楚詞難將垂岼蓼盈

一作應

把

當江離

秋寒鷹隼健逐雀下雲空知是江湖客

一作闕

無心擊塞

鴻

幽懷念煙水長恨隔龍沙今日滕王閣分明見落霞

江流何渺渺懷古獨依依漁父非賢者蘆中但有磯

風雨正甘寢雲霓忽曉晴放歌雖

一作須

自遣一歲又崢

嶸

幽思正遲遲沙邊濯弄時自憐非博物猶未識鳬葵

曾有煙波客能歌西塞山落花惟待月一釣紫菱灣

千頃水紋細一拳嵐影孤君山寒樹綠曾過洞庭湖
光闊重湖水低斜遠鴈行未曾無興詠多謝沈東陽
晚菊繞江壘忽如開古屏莫言時節過白日有餘馨

日落長亭晚山門步障青可憐無酒分處處

一作更祝

有旗

亭

一作星

遠岼無行樹經霜有伴

一作半

紅停船搜

一作披

好句題葉

贈江楓

身世比行舟無風亦暫休敢言終破浪惟願穩乘流

數畝蒼苔石煙濛鶴卵洲定因詞客遇一作過名字始風

流

興閒停桂楫路好過松門不負佳山水還開酒一樽
短檝休敲桂孤根自駐萍自憐非鮒氣空向斗牛星
高浪如銀屋江風一發時筆端降太白才大語終奇
細竹漁家路晴陽看結罾喜來邀客坐分與折腰菱
平湖五百里江水想通波不奈扁舟去其如決計何

數逢

一作峰

雲斷處去岼映高山身到章江日應猶

一作猶應

未得間

一灣斜照水三版順風船未敢相邀釣勞生只自憐

江雨正霏微江村晚渡稀何曾妨釣艇更待得魚歸

新野舊樓名潯陽勝賞情照人長一色江月共淒清

願飲西江水那吟北渚愁莫教留滯迹遠比蔡昭侯

湖口分江水東流獨有情常

一作當

時好風物誰伴謝

一作

為伴宣城

潯陽江畔菊應似古來秋為問幽樓客吟時得酒不

高峯有佳號千尺倚寒風

一作松

若使爐煙在猶應為上

公

萬木已清霜江邊村事忙故溪黃稻熟一夜寢

一作甕

中

香

楚水苦縈回征帆落又開可緣非直路却有好風來

遠謫歲時宴暮江風雨寒仍愁繫舟處驚夢近長灘

春恨三首

負罪將軍在北朝秦淮芳草綠迢迢高臺愛妾魂銷盡

始得丘遲為一招

久戍臨洮報未歸
篋香銷盡別時衣
身輕願比蘭階蝶

一作萬里還尋塞草飛

永巷頻聞小苑遊
舊恩如淚亦難收
君前願報新顏色
團扇須防白露秋

蜀國偶題

忽憶明皇西幸時
暗傷潛恨竟誰知
佩蘭應語宮臣道
莫向金盤進荔枝

未展芭蕉

冷燭無煙綠蠟乾
芳心猶卷怯春寒
一緘書劄藏何事
會被東風暗拆看

同程九早入中書

一作錢起詩

漢家賢相重英奇
蟠木何材也見知
不意雲霄能自致
空驚鸛鷺忽相隨
臘雪初明柏子殿
春光欲上萬年枝
獨慚皇鑒明如日
未厭春一作螢光向玉墀

御定全唐詩卷七百十二

欽定四庫全書

御定全唐詩卷七百十三

喻坦之

喻坦之與許棠張喬鄭谷張蠩等同時號十哲詩一

卷

陳情獻中丞

孤拙竟何營徒希折桂名始終誰肯薦得失自難明貢
乏雄文獻歸無瘠土耕滄江長發夢紫陌久慙行意縱

求知切才惟懼鑒精五言非琢玉十載看遷鶯取進心
甘鈍傷嗟骨每驚塵襟痕積淚客鬢白新莖顧盼身堪
教吹噓羽覺生依門情轉切荷德力須傾獎善猶憐貢
垂恩必不輕從茲便提挈雲路自生榮

長安雪後

碧落雲收盡天涯雪霽時草開當井地樹折帶巢枝野
渡滋寒麥高泉漲禁池遙分丹闕出迴對上林宜宿片
攀簷取凝花就砌窺氣凌禽翅束凍入馬蹄危北想連

沙漠南思極海涯
冷光兼素彩向暮朔風吹

送友人遊東川

食盡須分散將行幾願留
春兼三月閨人擬半年遊風
俗同吳地山川擁梓州
思君登棧道猿嘯始應愁

題樟亭驛樓

危檻倚山城風帆檻外行
日生滄海赤潮落浙江清
秋晚遙峰出沙乾細草平
西陵煙樹色長見伍員情

大梁送友人東遊

自古東西路舟車此地分
河聲梁苑夜草色楚田曛
鴈已多南去蟬猶在此聞
聖朝無諫獵何計謁明君

送友人遊蜀

為儒早得名為客不憂程
春盡離丹闕花繁到錦城
雪消巴水漲日上劍關明
預想迴來樹秋蟬已數聲

留別友人書齋

相見不相睽一留日已西
軒涼庭木大巷僻鳥巢低
背俗修琴譜思家話藥畦
卜鄰期太華同上上方梯

題耿處士林亭

身向閒中老生涯本豁然草堂山水下漁艇鳥花邊窺
井援魚鹿啼林鳥雜蟬何時人事了依此亦高眠

商於逢友人

行役何時了年年骨肉分春風來漢棹雪路入商雲水
險溪難定林寒鳥異羣相逢聊坐石啼狖語中聞

灞上逢故人

花落杏園枝驅車問路岐人情誰可會身事自堪疑嶽

雨狂雷送溪槎漲水吹家山如此景幾處不相隨

發浙江

島嶼遍含煙煙中濟大川山城猶轉漏沙浦已搖船海
曙霞浮日江遙水合天此時空濶思翻想涉窮邊

晚泊盱眙

廣葦夾深流蕭蕭到海秋宿船橫月浦驚鳥遶霜洲雲
濕淮南樹笳清泗水樓徒懸鄉國思羈跡尚東游

歸江南

歸日值江春看花過楚津
草晴蟲網遍沙曉浪痕新
蓮葉初浮水鷗雛已狎人
漁心慙未遂空厭路岐塵

代北言懷

困馬榆關北那堪落景催
路行沙不絕風與雪兼來
草得春猶白鴻侵夏始迴
行人莫遠入戍角有餘哀

春遊曲江

誤入杏花塵晴江一看春
菰蒲雖似越骨肉且非秦
曲岸藏翹鷺垂楊拂躍鱗
徒憐汀草色未是醉眠人

和范秘書宿省中作

清省宜寒夜仙才稱獨吟
鐘來宮轉漏月過閣移陰
鶴避燈前盡芸高幄外深
想知因此興暫動憶山心

寄華陰姚少府

泰華當公署為官興可知
硯和青靄凍簾對白雲垂
峻掌光浮日危蓮影入池
料於三考內應惜德音移

晚泊富春寄友人

江鐘寒夕微江鳥望巢飛
木落山城出潮生海棹歸
獨

吟霜島月誰寄雪天衣此別三千里關西信更稀

御定全唐詩卷七百十三

欽定四庫全書

御定全唐詩卷七百十四

崔道融

崔道融荊州人以徵辟為永嘉令累官右補闕避地入閩申唐詩三卷東浮集九卷今編詩一卷

梅花

數萼初含雪孤標畫本難香中別有韻清極不知寒橫
笛和愁聽斜枝倚病看朔風如解意容易莫摧殘

銅雀妓二首

嚴妝垂玉筓妙舞對清風無復君王顧春來起漸慵

歌咽新翻曲香銷舊賜衣陵園春一作風雨暗不見六龍

歸

春閨二首

寒食月明雨落花香滿泥佳人持錦字無雁寄遼西

欲剪宜春字春寒入剪刀遼陽在何處莫望寄征袍

訪僧不遇

尋僧已寂莫林下鎖山房松竹雖無語牽衣借晚涼

田上

雨足高田白披蓑半夜耕人牛力俱盡東方殊未明

月夕

月上隨人意人間月更清朱樓高百尺不見到天明

槿花

槿花不見夕一日一回新東風吹桃李須到明年春

西施灘

宰嚭亡吳國西施陷惡名浣紗春水急似有不平聲

江上逢故人

故里琴樽侶相逢近臘梅江村買一醉破淚却成吟

牧豎

牧豎持蓑笠逢人氣傲然臥牛吹短笛耕却傍溪田

過農家

欲羨農家子秋新看刈禾蘇秦無負郭六印又如何

江夕

江心秋月白起柁信潮行蛟龍化為人半夜吹笛聲

春墅

蛙聲近過社農事忽已忙鄰婦餉田歸不見百花芳

江村

日暮片帆落江村如有情獨對沙上月滿船人睡聲

擬樂府子夜四時歌四首

吳子愛桃李月色不到地明朝欲看花六宮人不睡
涼軒待月生暗裏螢飛出低迴不稱意蛙鳴亂清瑟

月色明如晝蟲聲入戶多
狂夫自不歸滿地無天河
銀缸照殘夢零淚霑粉臆
洞房猶自寒何況關山北

寄人二首

花上斷續雨江頭來去風
相思春欲盡未遣酒尊空
澹澹長江水悠悠遠客情
落花相與恨到地一無聲

江鷗

白鳥波上棲見人懶飛起
為有求魚心不是戀江水

春晚

三月寒食時日色濃於酒落盡牆頭花鶯聲隔原柳

漢宮詞

獨詔胡衣出天花落殿堂他人不敢妬垂淚向君王

旅行

少壯經勤苦衰年始浪遊誰憐不龜手他處却封侯

班婕妤

寵極辭同輦恩深棄後宮自題秋扇後不敢怨春風

元日有題

十載元正酒相歡意轉深自量麋鹿分只合在山林

古樹

古樹春風入陽和力太遲莫言生意盡更引萬年枝

春題二首

青春未得意見花却如讐路逢白面郎醉插花滿頭
滿眼桃李花愁人如不見別有惜花人東風莫吹散

長安春

長安牡丹開繡轂輾晴雷若使花長在人應看不回

病起二首

病起春已晚
曳筇傷綠苔
強攀庭樹枝
喚作花未開
病起遶庭除
春泥粘屐齒
如從萬里來
骨肉滿面喜

峽路

清猿啼不住
白水下來新
八月莫為客
夜長愁殺人

長門怨

長門春欲盡
明月照花枝
買得相如賦
君恩不可移
月夕有懷

圓光照一海遠客在孤舟相憶無期見中宵獨上樓

夜泊九江

夜泊江門外歡聲月裏

一作下

樓明朝歸去路猶隔洞庭

秋

寒食夜

滿地梨花白風吹碎月明大家寒食夜獨貯望鄉情

歸燕

海燕頻來去西人獨滯留天邊又相送腸斷故園秋

長安春

珠箔映高柳美人紅袖垂忽聞半天語不見上樓時

鑾駕東回

兩川花捧御衣香萬歲山呼輦路長天子還從馬嵬過
別無惆悵似明皇

釣魚

閒釣江魚不釣名瓦甌斟酒暮山青醉頭倒向蘆花裏
却笑無端犯客星

西施

苧蘿山下如花女
占得姑蘇臺上春
一笑不能亡敵國
五湖何處有功臣

馬嵬

萬乘淒涼蜀路歸
眼前朱翠與心違
重華不是風流主
湘水猶傳泣二妃

羯鼓

華清宮裏打撈聲
供奉絲簧束手聽
寂莫鑾輿斜谷裏

是誰翻得雨淋鈴

寄李左司

一本下有五季在臺四字

柏臺蘭省共清風
鳴玉朝聯夜被同
肯信人間有兄弟
一生長在別離中

梅

溪上寒梅初滿枝
夜來霜月透芳菲
清光寂寞思無盡
應待琴尊與解圍

天台陳逸人

絕粒空山秋復春
欲看滄海化成塵
近拋三井更深去
不怕虎狼唯怕人

雪竇禪師

雪竇峰前一派懸
雪竇五月無炎天
客塵半日洗欲盡
師到白頭林下禪

溪上遇雨二首

回塘雨脚如縑絲
野禽不起沈魚飛
耕蓑釣笠取未暇
秋田有望從淋漓

坐看黑雲銜猛雨噴灑前山此獨晴忽驚雲雨在頭上
却是山前晚照明

長門怨

長門花泣一枝春爭奈君恩別處新錯把黃金買詞賦
相如自是薄情人

秋夕

自憐三十未西遊傍水尋山過却秋一夜雨聲多少事
不思量

一作也

盡到心頭

過隆中

玄德蒼黃起臥龍
昂分天下一言中
可憐蜀國關張後
不見商量徐庶功

關下

百二山河壯帝畿
關門何事更開遲
應從漏却田文後
每度聞雞不免疑

寒食客中有懷

江上聞鶯禁火時
百花開盡柳依依
故園兄弟別來久

應到清明猶望歸

溪夜

積雪消來溪水寬
滿樓明月碎琅玕
漁人拋得釣筒盡
却放輕舟下急灘

山居臥疾廣利大師見訪

桐谷孫枝已上弦
野人猶臥白雲邊
九天飛錫應相誚
三到行朝二十年

村墅

正月二月村墅間餘糧未乏人心寬南鄰雨中揭屋笑
酒熟數家來相看

悲李拾遺二首

故友從來匪石心諫多難得主恩深行朝半夜煙塵起
曉殿吁嗟一鏡沈

天涯時有北來塵因話宅人及故人也是先皇能罪已
殿前頻得觸龍鱗

題李將軍傳

猿臂將軍去似飛，彎弓百步虜無遺。
漢文自與封侯得，何必傷嗟不遇時。

酒醒

酒醒撥剔殘灰火，多少淒涼在此中。
爐畔自斟還自醉，打窗深夜雪兼風。

郊居友人相訪

柴門深掩古城秋，背郭緣溪一徑幽。
不有小園新竹色，君來那肯暫淹留。

鏡湖雪霽貽方干

天外曉嵐和雪望月中歸棹帶冰行相逢半醉吟詩苦
應抵寒猿裊樹聲

秋霽

雨霽長空蕩滌清遠山初出未知名夜來江上如鉤月
時有驚魚擲浪聲

謝朱常侍寄貺蜀茶剡紙二首

瑟瑟香塵瑟瑟泉驚風驟雨起爐煙一甌解却山中醉

便覺身輕欲上天

百幅輕明雪未融
薛家凡紙漫深紅
不應點染閒言語
留記將軍蓋世功

讀杜紫微集

紫微才調復知兵
長覺風雷筆下生
還有枉拋心力處
多於五柳賦閒情

寓題

海上乘查便合仙
若無仙骨未如船
人間亦有支機石

虛被聲名到洞天

寓吟集

陶集篇篇皆有酒
崔詩句句不無杯
醉來已共身安約
讓却詩人作酒魁

溪居即事

籬外誰家不繫船
春風吹入釣魚灣
小童疑是有村客
急向柴門去却關

雞

買得晨雞共雞語常時不用等閒鳴深山月黑風雨夜
欲近曉天啼一聲

獻浙東柳大夫

屬城甘雨幾經春聖主全分付越人俗眼不知青瑣貴
江頭爭看碧油新

楊柳枝詞

霧縠烟搓一索春年年長似染來新應須喚作風流線
繫得東西南北人

楚懷王

宮花一朶掌中開
緩急翻為敵國媒
六里江山天下笑
張儀容易去還來

對早梅寄友人二首

憶得前年君寄詩
海邊三見早梅詞
與君猶是海邊客
又見早梅花發時

憶得去年有遺恨
花前未醉到無花
清芳一夜月通白
先脫寒衣送酒家

句

萬里一點白長空鳥不飛

邊庭雪
見詩格

如今却羨相如富

猶有人間四壁居

見楊萬
里詩話

御定全唐詩卷七百十四

欽定四庫全書

御定全唐詩卷七百十五

盧延讓

盧延讓字子善范陽人光化九年進士第朗陵雷滿辟從事滿敗歸王建授水部員外郎累遷給事中終刑部侍郎詩一卷今存十首

苦吟

莫話詩中事詩中難更無吟安一箇字撚斷數莖鬚險

覓天應悶狂搜海亦枯不同文賦易為著者之乎

雪

瑞雪落紛華隨風一向斜地平鋪作月天迴撒成花客
滿燒煙舍牛牽賣炭車吾皇憂挾纊猶自問君家

松寺

山寺取涼當夏夜共僧蹲坐石堦前兩三條電欲為雨
七八箇星猶在天衣汗稍停牀上扇茶香時撥澗中泉
通宵聽論蓮華義不藉松窗一覺眠

贈僧

浮世浮華一斷空，偶拋煩惱到蓮宮。
高僧解語牙無水，老鶴能飛骨有風。
野色吟餘生竹外，山陰坐久入池中。
禪師莫問求名苦，滋味過於食蓼蟲。

逢友人赴闕

正當天下待雍熙，丹詔徵來早為遲。
倚馬才高猶愛藝，問牛心在肯容私。
吏開黃閣排班處，民擁青門看入時。
却笑郡人留不得，感恩唯擬立生祠。

哭李郢端公

軍門半掩槐花宅每過猶聞哭臨聲北固暴亡兼在路
東都權葬未歸塋漸窮老僕慵看馬著慘佳人暗理箏
詩侶酒徒消散盡一場春夢越王城

謝楊尚書惠櫻桃

滿合虛紅怕動搖尚書知重賜櫻桃揉藍尚帶新鮮葉
潑血猶殘舊折條萬顆真珠輕觸破一團甘露軟含消
春來老病尤珍荷併食中腸似火燒

寒食日戲贈李侍御

十二街如市紅塵咽不開灑蹄驄馬汗沒處看花來

樊川寒食二首

寒食權豪盡出行一川如畫雨初晴誰家絡絡游春盛
擔入花間軋軋聲

鞍馬和花總是塵歌聲處處有佳人五陵年少麤於事
拷撻量金買斷春

句

只說些子緣應耗沒多光

八月十六夜

臂鷹健卒懸氈帽

騎馬佳人卷畫衫

送周太保赴浙西

每過私第邀看鶴長著

公裳送上驢

寄友

名帝毛生五門下家僮骨立六街中

旅舍言懷

雲間閑鐸騾駝至雪裏殘骸虎拽來

蜀路

樹上

詔諏批頰鳥窗間壁駁叩頭蟲

冬夜

莫欺零落殘牙齒

曾吃紅綾餅餤來

渡水蹇驢雙耳直避風羸僕一肩

高雪

高據襄陽播盛名問人人道是詩星

弔孟浩然以上並

見海錄

涼雨打低殘菡萏急風吹散小蜻蜓

見錦繡萬花谷

裴皞

裴皞字司東河東人光化中進士第歷事梁唐晉官至
尚書左僕射詩一首

示門生馬侍郎胤孫

宦途最重是文衡天與愚夫著盛名三主禮闈年八十
門生門下見門生

王希羽

一作王羽

王希羽池州人天復元年登進士第授秘書省正字後

與楊夔康駢客於田頔詩一卷今存一首

贈杜荀鶴

金榜曉懸生世日
玉書潛記上升時
九華山色高千尺
未必高於第八枝

柯崇

一作宗

柯崇閩人天復元年進士第授太子校書詩二首

宮怨二首

塵滿金爐不炷香
黃昏獨立重廊
笙歌何處承恩寵

一一隨風入上陽

長門槐柳半蕭疎
玉輦沈思恨有餘
紅淚漸消傾國態
黃金誰為達相如

劉象

劉象京兆人天復元年登第詩十首

早春池亭獨游三首

春意送殘臘
春晴融小洲
蒲葍纔簇岸
柳頰已遮樓
便有杯觴興
可攄羈旅愁
鳬鷺亦相狎
盡日戲清流

清流環綠條清景媚虹橋鶯刷初遷羽莎拳擬折苗細
沙擢暖岸淑景動和颺倍憶同袍侶相歡倒一瓢

一瓢歡自足一日興偏多幽意人先賞踈叢蝶未過知
音新句苦窺沼醉顏酡萬慮從相擬今朝欲奈何

鷺鷥

潔白孤高生不同頂絲清軟冷搖風窺魚翹立荷香裏
慕侶低翻柳影中幾日下朝辭紫閣多時凝目向晴空
摩霄志在潛修羽會接鷺凰別葦叢

春夜二首

幾處兵戈阻路歧
憶山心切與山違
時難何處披懷抱
日日斜空醉歸

一別杜陵歸未期
祇憑魂夢接親知
近來欲睡兼難睡
夜夜夜深聞子規

曉登迎春閣

未櫛憑欄眺錦城
煙籠萬井二江明
香風滿閣花盈戶

一作樹樹樹樹梢啼曉鶯

詠仙掌

萬古亭亭倚碧霄不成擎亦不成招何如掬取天蓮一作蓮

池水灑向人間救旱苗

鄴中感舊

頃年曾住此中來今日重游事可哀憶得幾家歡宴處
家家家業盡成灰

白髭

到處逢人求至藥幾回染了又成絲素絲易染髭難染

墨翟當時合泣髭

沈顏

沈顏字可鑄吳郡人天復初登進士第授校書郎入吳仕至翰林學士知制誥陵陽集五卷今存詩二首

題縣令范傳真化洽亭

前有淺山屹然如屏後有卑嶺繚然如城跨池左右足以建亭斯亭何名化洽而成

書懷寄友人

江湖勞遍尋祇自長愁襟到處慵開口何人可話心登樓得句遠望月抒情深却憶山齋後猿聲相伴吟

楊凝式

楊凝式字景度宰相涉之子昭宗朝登進士第歷事唐晉漢周官至太子太保詩三首

題壁

院似禪心靜花如覺性圓自然知了義爭肯學神仙

贈張全義

洛陽風景實堪哀
昔日曾為瓦子堆
不是我公重葺理
至今猶是一堆灰

題懷素酒狂帖後

十年揮素學臨池
始識王公學衛非
草聖未須因酒發
筆端應解化龍飛

句

押引蝗蟲到洛京
合消郡守遠相迎

歸洛寄尹張從
恩時蝗適至

到此今經三紀春

洛陽並
見紀聞

李琪

李琪字台秀燉煌人昭宗時舉進士累官殿中侍御史
入梁為翰林學士末帝時拜門下平章事唐明宗朝位
至太子少傅集十卷今存詩二首

奉試詔用拓拔思恭為京北收復都統

一作聞
詔作

飛騎經巴棧鴻恩及夏臺將從天上去人自日邊來此
處金門遠何時玉輦迴早平關右賊莫待詔書催

題廣愛寺楞伽山

善高天外遠方丈海中遙自有山神護應無劫火燒壞
文侵古壁飛劍出寒霄何似蒼蒼色嚴妝十七朝

句

哀痛不下詔登封誰上書

傷宗幸
蜀詠

劉崇龜

劉崇龜滑州人擢進士第大順中終清海軍節度嶺南
東道觀察使詩一首

寄桂帥

碧幢仁施合洪鈞
桂林前倍得春
莫戀此時好風景
礪溪不是釣漁人

劉崇魯

劉崇魯字郊文
宗龜弟也擢進士第
景福中官水部郎中
知制誥坐崔昭緯黨
貶崖州司戶詩一首

席上吟

南行忽見李深之
手舞如蜚令不疑
任有風流兼蘊藉
天生不似鄭都知

孫定

孫定字志元涪州大戎之族子景福中應舉無成詩一

首

寄孫儲

一作下第
醉中寄儲

行行血淚灑塵襟事逐東流渭水深
秋跨蹇驢風尚緊
靜投孤店日初沈
一枝猶掛東堂夢
十里空馳北巷心
明月悲歌又前去
滿城煙樹噪春禽

許畫

許畫睢陽人天復四年及第詩二首

江南行

江南瀟灑地本自與君宜
固節還同我虛心欲待誰
澗泉傍借響山木共含滋
粉膩蟲難篆叢疎鳥易窺
盡應逢野渡中忽見村祠
葉掃秋空靜根橫古塹危
影迷寒靄裏聲出夜風時
客棹深深過人家遠遠移
游邊曾結念到此數題詩
莫恨成龍晚成龍會有期

中秋月

應是蟾宮別有情每逢秋半倍澄清清光不向此中見
白髮爭教何處生閑地占將真可惜幽窗分得始為明
殷勤好長來年桂莫遣平人道不平

薛準

薛準員外郎天復中卒詩一首

臨終詩

舊國深恩不易酬又離繼母出他州誰知天怒無因息
積魄終身乞速休

裴諧

裴諧說之昆季也天祐三年登第終桂嶺攝令詩一首

觀修處士畫桃花圖歌

一從天寶王維死於今始遇修夫子能向鮫綃四幅中
丹青暗與春爭工勾芒若見應羞殺暈綠勻紅漸分別
堪憐彩筆似東風一朶一枝隨手發燕支乍溼如含露
引得嬌鶯癡不去多少遊蜂盡日飛看遍花心求入處
工夫妙麗實奇絕似對韶光好時節偏宜留著待深冬

鋪向樓前飣霜雪

句

風回山火斷朝落岸冰高

湘江吟

名終埋不得骨任朽

何妨經杜甫墳
見詩話總龜



御定全唐詩卷七百十五

欽定四庫全書

集部

御定全唐詩卷七百十六至

詳校官庶吉士臣胡 鉅

主事銜臣徐以坤覆勘

總校官知縣臣繆 琪

校對官中書臣石鴻蓊

謄錄監生臣鄭 嶠

欽定四庫全書

御定全唐詩卷七百十六

曹松

曹松字夢徵舒州人學賈島為詩久困名場至天復初杜德祥主文放松及王希羽劉象柯崇鄭希顏等及第年皆七十餘時號五老榜授秘書省正字集三卷今編詩二卷

長安春日

浩浩看花晨六街揚遠塵塵中一丈日誰是晏眠人御
柳舞一作垂着水野鷺啼破春徒云多失意一作還楚計又作還楚客
猶自惜離秦

慈恩寺貽楚霄上人

在秦生楚思波浪接禪關塔礙高林鳥窗開一作藏白日

山樹陰移草上岸色透庭一作林間入一作樓內談經徹空

攜誦疏還

崇義里言懷

馬蹄京洛岐復此少閑時老積滄洲夢秋乖白閣期平生五字句一夕滿頭絲把向侯門去侯門未可知

僧院松

此木韻彌全秋霄學瑟絃空知百餘尺未定幾多年古

甲磨雲拆孤根捉

一作把

地堅何當拋

一作拖

一幹作蓋道

場前

貽世

富者非義取樸風爭肯還紅塵不待曉白首有誰閑淺

度四溟水平看諸國山只消年作劫俱到總無間

南遊

直到道

一作

南箕下方諳漲海頭君恩過銅柱戎節限交

州犀占花陰卧波衝瘴色流遠夷非

一作君

不樂自是北

人愁

送胡

王一作

中丞使日東

辭天理玉簪指日使雞林猶有中華戀方同積浪深張
帆度鯨口銜命見臣心渥澤遐宣後歸期抵萬金

哭陳陶處士

園裏先生塚鳥啼春更傷空餘八卦樹尚對一茅堂白
日埋杜甫皇天無耒陽如何稽古力報答甚茫茫

言懷

冥心坐似癡寢食亦如遺為覓出人句祇求當路知豈
能窮到老未信達無時此道須天付三光幸不私

月

寥寥天地內

一作外

夜魄爽何輕頻見此輪滿即應華髮

生不圓爭得破纔正又須傾人事還如此

一作相似因知一作

何倚伏情

答匡山僧贈柳栗杖

栗杖出匡頂百中無一枝雖因野僧得猶畏嶽神知
畫月冷光在指雲秋片移宜留引蹇步他日訪峨嵋

商山夜聞泉

瀉月聲不斷坐來心益閑無人知落處萬木冷空山
遠憶雲容外幽疑石縫間那辭通曙聽明日

一作度藍關

書懷

默默守吾道，望榮來替愁。
吟詩應有罪，當路却如讐。
陸海儻難溺，九霄爭便休。
敢言名譽出，天未白吾頭。

道中

第四句
缺二字

出門嗟世路，何日撲風歸。
是處太行險，應解飛主
人厚薄。禮容予新故衣。
所以澆浮態，多令行者違。

夏雲

勢能成岳仞，頃刻長崔嵬。
暝鳥飛不到，野風吹得開。
一

天分萬態立地看忘回欲結暑宵雨先聞江上雷

塞上行

上將擁黃鬚安西逐指呼離鄉俱少壯到磧減肌膚風
雪夜防塞腥羶朝繫胡為君一作軍樂戰死誰喜作征夫

晨起

曉色教不睡卷簾清氣中林殘數枝月髮冷一梳風並
鳥含一作聞鐘語歌荷隔霧空莫疑一作徒營白日道路本

無窮

感世

觸目盡如幻幻中能幾時愁來捨行樂事去莫吞悲白
髮不由已黃金留待誰耕煙得銘誌翻為古人思

觀華夷圖

落筆勝縮地展圖當晏寧中華屬貴分遠裔占何星分
寸辨諸岳斗升觀四溟長疑未到處一一似曾經

山中寒夜呈進士許棠

山寒

一作中

草堂暖寂夜有良朋讀易分高燭煎茶取折

冰庭垂河半角窗露月微稜俱入論一作詩心地爭無俗
者憎

滕王閣春日晚眺

凌春帝子閣偶眺日移西浪勢平花塢帆陰上柳堤凝
嵐藏宿翼疊鼓碎歸蹄只此長吟詠因高思不迷

鍾陵野步

岡扉聊自啟信步出波邊野火風吹濶春冰鶴啄穿渚
檣齊驛樹山鳥入公田未創孤雲勢空思白閣年

哭胡處士

故人江閣在重到事悠悠無爾向潭上為吾傾甕頭空
餘赤楓葉墮落釣魚舟疑是冲虛去不為天地囚

青龍寺贈雲顥法師

紫檀衣且香春殿日尤長此地開新講何山鑱舊房僧

名喧北闕師

一作祖

印續南方莫惜青蓮喻秦人聽未忘

薦福寺贈應制白公

一作棲白太師

才子

一作著

紫檀衣明君寵顧時講昇高座懶書答重臣

遲瓶勢傾圓頂刀聲落碎髭還聞穿內去隨駕進新詩
觀山寺僧穿井

雲僧鑿山井寒碧在中庭況是分品眼同來下石瓶旁
痕終變蘚圓影即澄星異夜天龍蟄應聞說葉經

送德光

一作禪師重禮石
輝霜長者

天涯緣事了又造石霜微不以千峰險唯將獨影歸有
為嫌假佛無境是真機到後流沙錫何時更有飛

贈南陵李主簿

外邑官同隱寧勞短吏

一作使

趨看雲情自足愛酒逸應

無簾席彈

一作遺

碁子衣裳惹印朱仍聞陂水近亦擬掉

孤蒲

慈恩寺東樓

寺樓涼出竹非與曲江賒野火

一作水

流穿苑秦山疊入

巴風梢

一作容

離衆葉岸角積虛沙此地鐘聲近令人思

未

一作海涯

古塚

代遠已難問
縈縈次古城
民田侵不盡
客路踏還平
作穴蛇分蟄
依岡鹿繞行
唯應風雨夕
鬼火出林明

訪山友

一逕通高屋
重雲翳兩原
山寒初宿頂
泉落未知根
急雨洗荒壁
驚風開靜門
聽君吟廢夜
苦却建一作見溪猿

林下書懷寄建州李頻員外

一從書事嬾
海上跡宜沉
吾道不當路
鄙人甘入林
雲垂方覓鶴
月濕始收琴
水石南州好
誰陪刻骨吟

猿

曾宿三巴路
今來不願聽
雲根啼片白
峰頂擲尖青
護果憎禽啄
栖霞覩葉零
唯應卧嵐客
憐爾傍岳扃

秋日送方千遊上元

天高淮泗白
料子趨修程
汲水疑山動
揚帆覺岸行
雲離一作迷京口樹
鷹一作岸入石頭
城後夜分遙
念諸峯霜

露一作月霧
又作霧露生

哭李頻員外時在建川

出麾臨建水下世在公堂苦集休開篋清資罷轉郎瘴
中無子奠嶺外一妻孀定一作是浮香一作吟骨東歸就
故鄉

山中言事

嵐靄潤窗櫺吟詩得冷癥教餐有效藥多媿獨行僧雲
濕煎茶火冰封汲井繩片扉深著掩經國自無能

送左協律京西從事

辟書來幾日遂喜一作逐意就嘉招猶向風沙淺非於一作干

旬服遙時平無探騎秋靜見盤鵬若遣關中使煩君問
寂寥

望九華寄池陽太守

造化峯峯異宜教岳德謙靈蹤載籍古怪亦刺雲尖盤
蹙陵陽壯孤標建鄴瞻霽餘堪洗目青出謝家簷

上廣州支使王拾遺

明時應不諫天幕稱仙才聘入關中去人從帝側來詩
窗盛島嶼檄盾照風雷幾度陪旄節營巡海色迴

題僧松禪

一作題僧院松

空山澗畔枯松樹禪老堂頭甲乙身

一作老對禪堂鱗甲身

傳是

昔朝僧種著下頭應有茯苓神

贈華陰李明府

佩墨縣兼清約關西近城三峯豈不重厚地戴猶輕雪
篠歌難直風泉噴易橫須知高枕外長是勸民耕

送人庭鶴

第三句缺一字

度歲休籠閉身輕好羽儀白雲是伴滄海得因誰啖

起遺殘食盤餘在迥枝條風頻雨去只恐更相隨

信州聞通寺題僧砌下泉

細聲從嶠足

一作落

幽淡浸香堦此境未開日何人初見

時耗痕延黑蘚淨罇吐微澌應有喬梢鶴下來當飲之

山中

此地似商嶺雲霞空往還衰條難定鳥缺月易依山野
色耕不盡溪容釣自閑分因多卧退百計少相關

寄崇聖寺僧

一作關山寄
詩贈清越

不醉長安

一作秦中

酒冥心只似師望山吟過日伴鶴立多

時清遠流聲細林寒綠色遲菴西蘿月夕重約語

一作得話

空期

金陵道中寄

惡苦待知音無時省廢吟始為分路客莫問向隅心
嶠翠藏幽瀑枝風下曉禽憶君秋欲盡馬上秣陵砧

都門送許棠東歸

一作送進士張喬

舊客東歸遠長安詩少朋去愁分磧鴈行計逐鄉僧華

岳無時雪黃

一作伊

河漫處冰知辭國門路片席認西

一作

巴陵

送進士喻坦之遊太原

北鄙征難盡詩愁滿去程廢巢侵燒

一作曉

色荒

一作孤

塚

入鋤聲逗野河流濁離雲磧日

一作月

明并州戎

一作戌

壘

地

一作暮

角動引風生

九江暮春書事

楊柳城

一作春

初鑠輪蹄息去蹤

一作歸愁不記重

春流無舊岸

夜色失諸峯影動漁邊火聲遲話

一作語

後鐘明朝迴去

鴈誰向北郊逢

再到洪州望西山

松常栖此山

洪州向西顧不恁暫忘君記得瀑泉落省同幽鳥聞一
迴經雨電長有剩風雲未定却栖息前頭江海分

與胡汾坐月期貫休上人不至

掃庭秋漏滴接話貴忘眠靜夜人相語低枝鳥暗遷星
圍南極定月照斷河連後會花宮子應開石上禪

贈胡處士

年光離岳色帶疾卧南原
白日與無事俗人嗔閉門
樵魚臨片一作岸水野鹿入荒園
莫問榮華事清霜點髮根

鈇山寫懷

天涯兵火後風景畏臨門
骨肉到時節團圓因夢魂
池塘水眼嶺嶠結花根耳縱
聽歌吹中心不可論

書翠巖寺壁

何年話尊宿瞻禮此堂中
入郭非無路歸林自學空
濺

瓶雲嶠水逆

一作逆

磬雪川風時說南廬事知師用意同

江西題東湖

第二句缺二字
第四句缺一字

鑿出江湖思涼多

間無風觸微浪半日秋山客

袖沙光滿船窗荻影閑時人見黃綬應笑狎鷗還

題湖南岳麓寺

海雲山上寺每到每開襟萬木長不住細泉聽更深
蜩沾高雨斷鳥過夕嵐沈此地良霄月秋懷隔楚砧

贈衡山麋明府

為縣瀟湘水門前樹配苔晚吟公籍少春醉積林開滌
硯松香起擎茶岳影來任官當此境更莫夢天台

塞上

邊寒來所

一作處

濶今日復明朝河凌

去聲

堅通馬胡

一作朝

雲缺見鵬砂中程獨泣鄉外隱誰招迴首若

一作苦

經歲

靈州生

一作在柳條

送邵安石及第

一作先輩

歸連州觀省

及第兼歸觀宜忘涉驛勞青雲重

一作具

慶少白日一飛

高轉楚間啼狖臨湘見疊濤海

一作連

陽沈飲罷

一作編

何

地佐旌旄

邊上送友人歸寧

鄉路穿京過

一作寧

心去少同日斜尋濶磧春盡逐歸

鴻獨樹河聲外凝笳塞色中憐君到此處却背老萊風

除夜

殘臘即又盡

一作舊歷不足卷

東風應漸

一作還坐

聞一宵猶幾許

刻

一作

兩歲欲平分燎暗

一作臘盡

傾時斗春通綻處芬

一作雲

明朝遙捧

一作把

酒先合祝堯

一作吾

君

題甘露寺

香

一作磬

門接巨壘

一作壑

畫角間清鐘北固一何峭西僧

多此

一作未

逢天垂無際海雲白久晴峰旦暮然燈外濤

頭振蟄龍

貽住山僧

罷請巡巖塢無窮得野情臘高猶伴鹿夏滿不歸城雲
朶綠崖發峰陰截水清自然雙洗耳唯任白毫生

題鶴鳴泉

仙鶴曾鳴處，泉魚半井苔。
直峯拋影入，片月瀉光來。
漱澗侵巖冷，深沉慰眼開。
何因值舟一作丹，頂滿汲石瓶迴。

弔賈島二首

先生不折桂，謫去抱何冤。
已葬離燕骨，難招入劍魂。
旅墳低却草，稚子哭勝猿。
冥冥如搜句，宜邀賀監論。

青旆低寒水，清笳出曉風。
鳥來傷賈傅，馬立哭滕公。
松柏青山上，城池白日中。
一朝今古隔，惟有月明同。

此首本集

不載見唐
詩類苑

憶江西南

一作南

并悼亡友

前心奈兵阻
悔作豫章分
芳草未歸日
故人多是墳
帆行出岫雨
馬踐過江雲
此地一罇酒
當時皆以文

御定全唐詩卷七百十六

欽定四庫全書

御定全唐詩卷七百十七

曹松

九江送方千歸鏡湖

一檣懸五兩此日動歸風
客路拋湓口家林入鏡中
譚餘雲出嶠詠苦月歌空
更若看鵝鵲

一作遊
支島

何人夜坐

同

廬山訪賈匡

西城疾病日此地少尋君古跡春猶在遙泉夜盡聞片
時三處雨九疊幾重雲到者皆忘寐精神與俗分

顧少府池上

一作顧少府池亭葦

池上分行種公庭覺少塵根離潮水岸韻爽判曹人正
午迴魚影方昏息鷺身無時不動詠滄島思方頻

喜友人歸上元別業

一檣千里外隱者興宜孤落日長邊海秋風滿故都掩
關苔色老盤逕葉聲枯匡岳來時過遲迴絕頂無

曲江暮春雪霽

霽動江池色春殘一去游
菰風生馬足槐雪滴人頭
北闕塵未起南山青欲流
如何多別地却得醉汀洲

立春日

春飲

一作日

一杯酒便吟春日詩
木梢寒未覺地脉暖先

知鳥嘯星沈後山分雪薄時
賞心無處說悵望曲江池

一作寧無剪花
手贈與最芳枝

宿溪僧院

年少雲溪裏禪心夜更閑煎茶留靜者靠月坐蒼山露
白鐘尋定螢多戶未闌嵩陽大一作石室何日譯經還

石頭懷古

日月出又沒臺城空白雲雖寬百姓土漸缺六朝墳禾
黍是亡國山河歸聖君松聲驟雨足幾寺晚鐘聞

浙右贈陸處士

靜節灌園餘得非成隱居長當庚子日獨拜五經書白
浪吹亡國秋霜洗太虛門前是京口身外不營儲

哭胡處士

丘中久不起將謂詔書來及見凌雲說方知掩夜臺白
衣歸北路元造亦遺才世上亡君後詩聲更大哉

贈餘干袁明府

一雨西城色一作城邑陶家心自清山銜中郭分雲卷下湖

程公署聞流水人煙入廢城難忘楚盡處新有越吟生
贈雷鄉張明府

任官征戰後度日寄閑身封卷還高客飛書問野人廢

田教種穀生路遣尋薪若起柴桑興無先漉酒中

岳陽晚泊

輕帆下濶流使泊此沙洲湖影撼山朶日陽燒野愁白
波爭起倒青嶼或沈浮是際船中望東南仞仞一作萬里秋

覽春勝喜孫鄩成名

門外報春勝喜

美一作

君天子知舊愁渾似雪見日總消

時塔下牡丹氣江頭楊柳絲風光若有分無處不相宜

已亥歲二首

僖宗廣明元年

澤國江山入戰圖，生民何計樂樵蘓。一作憑君莫話封

侯事一將功，成萬骨枯。

傳聞一作波間一戰百神愁，兩岸彊兵過未休。誰道滄江總

無事，近來長共血爭流。

亂夜入洪州西山

寂寂陰溪水，漱苔塵中將。得苦吟來，東峰道士如相問。

縣令

一作尉

而今不姓梅。

送僧入廬山

若到江州二林寺遍遊應未出雲霞廬山瀑布三千仞
畫破青霄始落斜

送僧入蜀過夏

師言結夏入巴峰雲水迴頭幾萬一作凡幾重五月峨眉須
近火木皮領重一作領裏只如冬

江西逢僧省文

閩地高僧楚地逢僧遊蠻錫挂垂松白雲逆性都無定
纔出雙峰愛五峯

高僧不負雪峯期却伴青霞入翠微百一作七葉巖前霜

欲降九枝松上鶴初歸風生碧澗魚龍躍威一作錫振金

樓鶯雀飛想得白蓮花上月滿山猶帶舊光輝

水精念珠

等量紅縷貫晶熒盡道勻圓別未勝鑿斷玉潭盈尺水
琢成金地兩條冰輪時祇恐星侵佛掛處常疑露滴僧
幾度夜深尋不著瑠璃為殿月為燈

南海旅次

憶歸休上越王臺歸思臨高不易裁為客正當一作逢無

鴈處故園誰道有書來城頭早角吹霜盡郭裏殘潮蕩

一作帶月回心似百花開未得年年爭發一作向被春催

春草

不獨滿池塘夢中佳句杳春風有餘力引上古城牆

金谷園

當年歌舞時不說草離離今日歌舞盡滿園秋露垂

夏日東齋

三庚到秋伏偶來松檻立熱少清風多開門放山入

南朝

三籬

一作離離

蓋馳道風烈一無取時見牧牛童嗔牛喫禾

黍

言懷

出山不得意謁帝值戈鋌豈料為文日翻成用武年

寒食日題杜鵑花

一朶又一朶併開寒食時誰家不禁火總在此花枝

鍾陵寒食日郊外閑游

可憐時節足風情
杏子粥香如冷飭
無奈春風輸舊火
遍教人喚作山櫻

中秋對月

無雲世界秋三五
共看蟾盤上海涯
直到天頭天盡處
不曾私照一人家

陪湖南李中丞宴隱溪

璋

竹林啼鳥不知休

一作秋

羅列飛橋水亂流

一作飄

散柳

絲回玉勒約開蓮葉上蘭舟酒邊舊侶真何遜雲

一作歌

裏新聲是莫愁若值主人嫌晝短應陪秉燭夜深遊

別湖上主人

門繫釣舟雲滿岸借君幽致坐移旬湖村夜呌白蕪鴈
菱市晚喧深浦人遠水日邊重作雪寒林燒後別生春
不辭更住醒還醉太一東峯歸夢頻

贈廣宣大師

憶昔同游紫閣雲別來三十二回春白頭相見雙林下

猶是清朝未退人

鍾陵寒食日與同年裴顏李先輩鄭校書郊外

閑游

寒節鍾陵香騎隨同年相命楚江湄
雲間影過鞦韆女
地上聲喧蹴鞠兒
何處寄煙歸
草色誰家送
火在花枝
銀瓶冷酒皆傾盡
半卧垂楊自不知

江外除夜

千門庭燎照樓臺
總為年光急急催
半夜臘因風卷去

五更春被角吹來寧無好鳥思花發應有游魚待凍開
不是多岐漸平穩誰能呼酒祝昭回

七夕

牛女相期七夕秋相逢俱喜鵲橫流彤一作寒雲縹緲迴

金輅明月嬋娟掛玉鉤燕一作翠羽幾曾添別恨花容終

不更含羞更殘便是分襟處曉箭東來一作南射翠樓

羅浮山下書逸人壁

海上亭臺山下煙買時幽邃不爭錢莫言白日催華髮

自有丹砂駐少年
漁釣未歸深竹裏
琴壺猶戀落花邊
可中更踐無人境
知是羅浮第幾天

天台瀑布

萬仞得名云瀑布
遠看如織掛天台
休疑寶尺難量度
直恐金刀易剪裁
噴向林梢成夏雪
傾來石上作春雷
欲知便是銀河水
墮落人間合却迴

桂江

未識佳人尋桂水
水雲先解傍壺觴
筍林次第添斑竹

雛鳥參差護錦囊

南中有錦囊鳥

乳洞此時連越井石樓何日

到僊鄉如飛似墮皆青壁畫手不強元化強

南海

傾騰界漢沃諸蠻立望何如

一作如何

畫此看無地不同方

覺遠共天無別始知寬文魴隔霧朝含碧老蚌凌波夜吐丹萬狀千形皆得意長鯨獨自轉身難

洞庭湖

東西南北各連空波上惟留小朶峯長與岳陽翻鼓角

不離雲夢轉魚龍
吸迴日月過千頃
鋪盡星河剩一重
直到劫餘還作陸
是時應有羽人逢

霍山

在龍川縣

七千七百七十丈
丈丈藤蘿勢入天
未必展來空似翅
不妨開去也成蓮

一作西土文殊曾印迹大中皇帝舊參禪

月將河漢分巖

轉僧與龍蛇共窟眠
直是畫工須閣筆
況無名畫可流傳

巫峽

巫山蒼翠峽

一作夾

通津下有僊宮楚女真不逐彩雲歸

碧落却為暮雨撲行人年年舊事音容在日日誰家夢
想頻應是荆山留不住至今猶得覩芳塵

送陳樵校書歸泉州

巨塔列名題詩心亦罕齊除官京下闕乞假海門西別
席侵殘漏歸程避戰輦關遙秦鴈斷家近瘴雲低候馬
春風館迎船曉月溪帝京須早入莫被刺桐迷

贈鏡湖處士方千二首

包含教化剝搜羅句出東甌奈峭何世路不妨平處少
才人唯是屈聲多雲來島上便幽石月到湖心忘白波
後輩難為措機杼先生織字得龍梭

抵擬應星眠越絕唯將麗什當高勲磨礱清濁人難會
織絡虛無帝亦聞鳥道未知山足雨漁家已沒鏡中雲
他時莫為三徵起門外沙鷗解笑君

拜訪陸處士

萬卷書邊人半白再來惟恐降玄纁性靈比鶴爭多少

氣力登山較幾分吟鬢漸無前度漆寢衣猶有昨宵雲
將知谷口耕煙者低視齊梁楚趙君

嶺南道中

百花成實未成歸未必歸心與志違但有壺觴資逸詠
盡交風景入清機半川陰霧藏高木一道晴蜺雜落暉
遊子馬前芳草合鷓鴣啼歇又南飛

春日自吳門之陽羨道中書事

勝異恣遊應未遍路岐猶去幾時還浪花湖濶虹蜺斷

柳線村深鳥雀閑
千室綺羅浮畫楫
兩川絲竹會茶山
眼前便是神僊事
何必須言洞府間

將入關行次湘陰

背顧秦城在何處
圖書作伴過湘東
神鴉亂噪黃陵近
候鴈斜沈夢澤空
打槳天連晴水白
燒田雲隔夜山紅
也知漸老巖棲穩
爭奈文闌有至公

題昭州山寺常寂上人水閣

常寂常居常寂裏
年年月月是空空
堦前未放巖根斷

屋下常教海眼通本為入來尋佛窟不期行處踏龍宮
他時憶著堪圖畫一朵雲山二水中

廣州貽匡緒法師

口宣微密不思議不是除貪即戒癡祇待外方緣了日
爭看內殿詔來時週迴海樹侵階疾迢遞江潮應井遲
必竟懶過高坐寺未能全讓法雲師

贈道人

住山因以福為庭便向山中隱姓名閨苑駕將鵬羽去

洞天贏得綠毛生日邊腸胃餐霞火月裏肌膚飲露英
顧我從來斷浮濁擬驅雞犬上三清

送乞雨禪師臨過南遊

活得枯樵耕者知巡方又欲向天涯珠穿閩國菩提子
杖把靈峰榔栗枝春蘚任封降虎石夜雷從旁養龍池
生緣在地南浮去自此孤雲不可期

南海陪鄭司空遊荔園

荔枝時節出旌旂南國名園盡興遊亂結羅紋照襟袖

別含瓊露爽咽喉葉中新火欺寒食樹上丹砂勝錦州
他日為霖不將去也須圖畫取風流

李郎中林亭

祇向砌邊流野水樽前上下看魚兒筍蹊已長過人竹
藤徑從添拂面絲若許白猿垂近戶即無紅果壓低枝
大才必擬逍遙去更遣何人佐盛時

夜飲

良宵公子宴蘭堂濃麝薰人獸吐香雲帶金龍銜畫燭

星羅銀鳳瀉瓊漿滿屏珠樹開春景一曲歌聲繞翠梁
席上未知簾幕曉青娥低語指東方

駙馬宅宴罷

粉牆殘月照宮祠宴闌銀瓶一半歌學語鶯兒飛未穩
放身斜墜綠楊枝

弔建州李員外

銘旌歸故里猿鳥亦悽然已葬桐江月空迴建水船客
傳為郡日僧說讀書年恐有吟魂在深山古木邊

弔李翰林

李白雖然成異物逸名猶與萬方傳
昔朝曾侍元宗側大夜應歸賀監邊
山木易昏迷故壠國風長在見遺編
投金渚畔春楊柳自此何人繫酒船

山中

要路豪家非往還巖門先有不曾關
衆心惟恐地無剩吾意亦憂天惜閑
白練曳泉窗下石絳羅垂果枕前山
樵夫豈解營生業貴欲自安麋鹿間

山寺引泉

劈碎琅玕意有餘，細泉高引入香廚。
山僧未肯言根本，莫是銀河漏泄無。

一作秋

河漏泄無

友人池上詠蘆

第五句缺一字

秋聲誰種得，蕭瑟在池欄。
葉澀栖蟬穩，叢疎宿鷺難。
歛烟宜下嶺，颯吹省先寒。
此物生蒼島，令人憶釣竿。

商山

垂白商於原下住，兒孫共死一身忙。
木弓未得長離手，

猶與官家射麝香

荆南道中

十月荒郊雪氣催，依稀愁色認陽臺。
遊秦分繫三條燭，出楚心殊一寸灰。
高柳莫遮寒月落，空桑不放夜風迴。
如何住在猿聲裏，却被蟬吟引下來。

武德殿朝退望九衢春色

玉殿朝初退，天街一看春。
南山初過雨，北闕淨無塵。
夾道天桃滿，連溝御柳新。
蘇舒同舜澤，煦嫗並堯仁。
佳氣

浮軒蓋和風襲縉紳自茲憐萬物同入發生辰

弔北邙

山下望山上夕陽看

一作明

又曛無人醫白髮少地著新

墳歲代殊相遠賢愚旋不分東歸聊一弔亂木倚寒雲

及第勅下宴中獻坐主杜侍郎

得召丘牆淚却頻若無公道也無因門前送勅朱衣吏

席上銜杯碧落人半夜笙歌教泥

一作洗

月平明桃杏放

燒春南山雖有歸蹊路爭那酬恩未殺身

梢雲

殊質資靈貺陵空發瑞雲梢梢含樹影

一作彩

郁郁動霞

文不比因風起全非觸石分葉光閒泛灩枝彩靜氛氲
隱見心無宰裴回慶自君翻飛如可託長願在橫汾

白角簾

角簾工夫已到頭夏來全占滿床秋若言保惜歸華屋
祇合封題寄列侯學卷曉冰長怕綻解鋪寒水不教流
蒲桃錦是滿湘底曾得王孫價倍酬

碧角簾

細皮重疊織霜紋滑膩鋪床勝錦茵
八尺碧天無點翳一方青玉絕纖塵
蠅行只恐煙黏足客卧渾疑水浸身
五月不教炎氣入滿堂秋色冷龍鱗

滕王閣春日晚望

凌春帝子閣偶眺日移西浪勢平
花塢帆陰上柳堤

句

追遊若遇三清樂行從應防一日春

李肇國史補云曲江大會先牒教坊

請奏上御紫雲樓觀馬時或擬作
樂則為之移日故曹松詩云云

石脉水流泉滴沙

鬼燈然點松柏花

吟窗雜錄

鹿眠荒圃寒蕪白鴉噪殘陽

敗葉飛

錦繡萬花谷

華嶽影寒清露掌海門風急白潮頭

升菴
外集

御定全唐詩卷七百十七